

Unionen

ANDE ROMANE



Akava si Unionen

Majbaro švediakoro šerutno sindikati pe privatnikano sektori



Amaro dženipe prerperela ando pobuter profesie, maškar kolende vi menadžeria ando proektora, inžineroja, administratorora, ekonomistora, IT-konsultatora, tehničarora, direktoria vi džene so bikinena. O džene kerela buti ando thana sar producua, kinobikiniba ando baro, trafik vi logistika, rodljaribe thaj bajrovibe, agencijakere/bukarne ažitupa, telefoneske centrora, tamirkeribaskiri industria, hemiakiri industria, konsultatora, biprofiteskere organizacie, informatikakiri tehnologia, vešakipa thaj inkaliba lila, telekomunikacie, hajbaskiri industria, mediumia, plesutne dandengere ordinacie vi javer.

Šukar avilen ando Unionen

Unionen si o majbaro švediakoro šerutno sindikati ando privatnikano kurko vaš i buti vi majbaro bukarnengoro sindikati ando sumnal. Si amen pobuter andar 600.000 džene, kolendar 30.000 si alusarde prezententora ko pobuter andar 60.000 kompanie vi organizacie. Unionen si la dženalipe ande sa, andaro bare maškardžijaneskere grupacie dži tikne familijakere firme.

O dženipe ando Unionen

Sa o bukarne bukarne thanea ando privatnikano sktori kamena te oven džene ande Unionen bizo dikhiba o than, edukacia ja lejba love. Vaš koto so o Unionen naj phanlo ni jeke politikane partiaja, sakana kamasa te kera zor vaš i politike so, bizo dikhiba o politikane šartia, pošukarkerena o butikerbaskoro dživdipa amare bukarnengoro. Amaro dženipe kerel buti ki produkcia, kinobikiniba ando baro vi tikno, ko trafik vi logistika, rodljaribe thaj bajrovibe, agencijakere/bukarne ažutipa, telefoneske centrora, tamirkeribaskiri industria, hemiakiri industrija, konsultatora, biprofiteskere organizacie, informatikakiri tehnologia, vešakipa thaj inkaliba lila, telekomunikacie, hajbaskiri industria, mediumia, plesutne dandengere ordinacie vi but javera sektora. I digra andaro sindikano dženipe ki Švedia si učo – paše 70% - a manuša so den buti majbuter fori dena rodipe vaš o dženipe ando sindikatora.

Hakaipse vaš i bararabarutnipe andi Švedia

O hakaipse vaš i bararabarutnipe andi Švedia dela tumen hakaipse tromale te oven dženo ande sindikati pali tumaro alusariba. O sajbia kote so sen ki buti na tromala te vakerel tumengje kaj na tromana te oven dženo ando sindikati. Khoni te kergja kodo, ando savo te si čhani, kerela zor te činavel tumen te oven dženo ando sindikati, phagjela tumero hakaipse vaš i barbarutnipa. Na kamena te den džovapi te pučlja tumen tumaro bukarno sajbia si li tumen mangin te oven dženo ando sindikati.

E Švediakoro modeli

O kolektivno kontrakto si funda e „Švediakere modeleske“ aso kova o šartia ando sakova sektori ulavena o sindikatia vi khedipa e bukakere sajbiengoro. O gavramento na heminela pe, trujal so kamela te del o simantre trujal kanunia baš i buti, sebepi so o sindikatia vi organizacie e bukakere sajbiengere si džovapjale. O modeli kombinirinela fleksibiliteti vaš i kompanie siguritetea vi influencia vaš i bukarne.

Kolektivno kontrakt

O kolektivno kontrakt si korkori mangipaskoro kontrakt maŝkar o sajbija e nukakoro vi o bukarne vaŝ i o hakaipa ando bukarne than. O kolektivna kontraktia dikhena o bajrariba e masekoskoro pokiniba sakova berŝ, pokiniba pobutervakteskiri buti, o džovapjalipa baŝ i arakiba andi buti, hakaipse andi influenza thaj javer. Te sine bukarne ando bukarne than aso kolektivnikano kontrakt, oven siguritetea sebepi so džanena kaj si tumen ŝukar kontrakt vaŝ i tumende so učarela tumare masekoskoro pokiniba, o nivelo e bukarne paskoro, o bukarne vakti, biđžukoja, vakti vaŝ i mukhiba andari buti vi but javer. Paŝe 8 dži 10 džene ande Unionen si astarde kolektivnikane kontrateja vi Unionen si ole phanlo lafi vaker tuke 100 hemime kolektivnikake kontraktencar e bukarne ngere organizaciencar ko privatnikano sktori.

Fondi vaŝ i arka e bibukarnengje (A-kassa)

O fondi vaŝ i arka e bibukarnengje vi o sindikati Unionen si hemime organizacie. E dženi paja ando fondi vaŝ i arka e bibukarnengje isi tumen garantirime dopheriba te naŝavgjen i buti. Dela pe tumengje ulavde lovengoro učipa ko dendo vakti, džikote na arakena nevi buti. Te sien maŝkar buka thaj sien dženo ko nesavo taro ŝvediakere fondia vaŝ i arka e bibukarnengje, ŝaj te len dži 80% tari anglederutno lovengoro uciba (dži maksimalno učiba dži paŝe 25.000 ŝvediakere krune ko masek). Numa o dženalipe ando fondi vaŝ i arka e bibukarnengje ja javer čhani pokiniba vaŝ i bibukarnipa na vakerela kaj pali avtomatizmo sien džene ande sindikati Unionen thaj palpal.

Sa kamelpe te pošukarkerelpe

Amen ando Unionen sahno vakti kamas te pošukarkera vi te irana o ŝartia vaŝ i amare džene. Amaro pakajbe vi motivacia si kodo so, vi kodo so pobuter amendar si amen ŝukar butikerbaskoro dživdipe avdive, sa panda si than vaŝ i pošukarkeriba. O pošukarkeriba si amari buti. Sikavaja amare džengje vi e sumnaleske pobuvleste so kamas te kera ki te pošukarkera o bukarne than, i ekonomia vi korkori amen - vi ko ŝukar vi ko bilače vaktia - vi savi arka kamen te len tari amende ando Unionen.

Vi te kamas te pošukarkera o butikerbaskoro dživdipa, ka pošukarkera vi o sasoutnipa.



Unionen ando bukarno than

O butikeribaskoro thaj si i majimportantno arena vaš i Unionen. Odote dodžanaja vaš i faktička bukarne šartia vi sar ola kamena te pošukarkerenpe ja te iranenpe. Odote vi keraja lafi vi anaja solucia vaš i buteder pučiba e bukakere sajbiaja. Unionen isi ola paše 3200 sindikateskere klubia vi 4000 sindikalna prezententia. O dženalipa ande amare sinikateskere klubia gejnela adaro panč dži panš mile džene.

Unionen andi Švedia

Unionen saikerela 18 regie, andaro Unionen Norrbotten andi utarrig e Švediakiri dži Unionen Sydväst ando mesmeriratjorig. Andi sakoja regia si pali jek ja pobuter kancelarie tari Unionen. Odova si kaj sijam paše vaš i bukarne thana ande regioni kolengje so kamelape konsili thaj arka vaš i sindikateskere buka. But tari regie organizirinena plesutne kursia, programe vi sikaviba vi aktivitetora so pobuter si bilovengjere. Vaš i pobuter informacie džan ando www.unionen.se.

Demokratia ande Unionen

Unionen si organizacia so phiravena ola odžene vi si fundirime upral prezentiribaskiri demokratia. O džene ando sindikateskere klubia alusarena ple Uče komitetora, te nesave bukarne thane nae ole sindikateskoro klubi, pobuter fori alusarelape prezententi vaš i bukarno than. O kongresi si o majučo badani baš i andiba dekretia. 260 sindikatengere prezententia khedenape jek fori ando štar berša te dikljaren vi te anen dekretia vaš i buti vi aktivitetora ande Unionen. Kodola lafikeriba vi dekrta si upral funda andaro bahania so dena olen o džene ande sindikati, andaro regie vi Regionalnikane konsilia. O kongresi anela solucia vaš i buka phanle e sindikateskere finansienar, o statutia vi dženalipa, vi alusarela vi o Regionalnikane konsilia.

TROMALE DEN TUMARO BAHANI!

O džene andaro Unionen kamena te den vi te hramonen bahania dži ple sindikateskere klubia, regionalnikane konsilia ja ando Kongresi ko sakova vakti. O džene kamena te den vi bahania dži regionalnikano učo komiteti ja učo komiteti ko sakova vakti vi te len džovapi pe vakti andaro trin masek.

Šerutnipa ando Unionen


O učo odbori ande Unionen saikerela 13 džene kola so alusarena o Kongresi vi kerela buti e bukaja e sindikatea maškar o Kongresia. O učo odbori si ole dumo andari centralno kancelaria džanle manušenar ando ple umala sar keriba lafi, konsili dejba, kanunipa, bukarno mačkar, edukacia, komunikacie vi administracia, maškar javer. I centralnikani kancelaria arakljovela ando Stockholm.

Sukcesijale nacionalnikane partneririba

Unionen si dženo ande Švediakiri konfederacia andaro profesionalcora (TSO). TSO promovirinela o interesia e bukarne ngjere sindikatengoro ando buka pe kola lena tnah vi o političarora vi javera džene save anena dekretia. Unionen si dženo vi ko Lafikeribaskoro karteli andaro bukarne vi ko privatnikano sektori (RTK) – organizacia savi so saikerela 25 šerutne sindikata vi si fokusirime ando pučiba phanle e penziencar vi arakhiba. O javer partneririba si e Švediakere industrijakere sindikatencar – barabarbutikeriba so saikerela pe andaro 6 šerutne sindikata, sarine hramome ande Kontrakto vaš i industrijakoro barabarbutikeriba vi lafikeriba (Industriavtalet). Akava kontrakto dela o čhani vaš i lafikeriba vaš i kontraktora andi industria vi si ole dendo arka vaš i stabiliteto, niče vi realnikano bajroviba e masekoskere pokinibaskoro. Vi dajek partneririba si o Kontrakto vaš i lafikeriba ande ažutipaskoro sektori. Akava kontrakto, so astarela panč butikeribaskere organizacie vi šov šerutne sindikata (maškar kolende vi Unionen), si ole resarin te sikavel o importantno kotor andaro ažutipaskoro sektori vaš i bajroviba vi ekonomia andi Švedia.

Unionen tari globalnikani perspektiva

But džene andaro Unionen si bukarne ando kompanie so kerena buti ande sahnno sumnal. Sar so cidenape o simantre maškar o kompanie vi o foro e takateskoro, i buti e maškardžijaneskere sindikatengjiri ovela sa majimportantno. Vi vaš kodo i misia andaro Unionen te arakel vi te promovirinela o interesia sa e dženengjere si buvljardi vi avrijal taro simantre e Švediakere. Amari resarin si te kera turlipa ko thana kote so anena pe dekretia, sar ki Evropa, agjaar vi ko sumnal. Akaja buti astarela, maškar javer, te bajrarelpe o prezentiriba e Ebropakere bukarne konsilengoro, te phandenpe pobuter evropakere vi globalnikane pervazjale kontraktia vi te kerel pe influenza upral poltičaria thaj bukarne džene ko badania vaš i aniba dekretia andi EU. Keraja buti barabarutne e sindikatencar avrijal andari Švedia vi laja than ki buti pobuter maškardžijaneskere sindikalno organziende.



Salde dženalipe vaš i bukarne, Unionen dela
šajdipe vaš dženalipa vi vaš i korkoribukarne
manuša vi studentia. Vi vastarene vi direktoria
karena te oven džene. Salde goda, daja šaipe
vaš misafireskoro dženalipa vaš i sa okola so si
olen švediakoro bukarno atesti thaj si themutne
ando phuvja andari EU/EEA vi Švajcaria.

Vaš pobuter informacie džan ande
www.unionen.se.

Akaren ande Unionen pe 0770 870 870

Tromas te da tumen informacie vi konsilia vaš
butikeribaskere šartia, sar vi vaš i anglunipa tumare
dženalipaja pe Unionen.

Len pe anglodikhipa so o informacie vi konsilia so daja tumen
si šerutne pe švedijaki čhib. Pobuter fori kamas te da o jeka
jek informacie vi konsilia vi pe anlikani čhib, numa odova
ažutilpe andaro personali so si pe buti pe odova dive. Na
tromaja te da pakajbe pe javer čhib ka šaj godo, numa ka
da sa amenda te da tumen arka.

Vaš pobuter informacie pe anglikani čhib,džan ande
www.unionen.se.

The logo for Unionen, featuring the word "unionen" in a green, lowercase, sans-serif font. The letters are slightly irregular and hand-drawn in style. The background of the entire page features large, overlapping, curved shapes in green, orange, and teal.